



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Dona Spiritussancti extra charitatem quid valent. tit. 207

urn:nbn:de:hbz:466:1-29452

litia & cæt. Est enim cum illis efficax Sathanas, & cæt. Idè in omnibus respiciendum est ad Catholicam potestatem, & illi obediendum.

DONA SPIRITUSSAN-
cti extra charitatem quid valent.

TITVLVS CCVII.

PRIMò, multos mouet, quòd dicitur, hæreticos non habere spiritum sanctum, quandò tamen vtuntur donis spiritus sancti, sicut dicit Apostolus 1. Cor. 12. Nemo potest dicere, Dominus Iesus, nisi in spiritus sancto. At illi dulcissimè prædicant Christum, sunt docti & facundi, Euangelium & scripturam exponentes, scribentes, glossantes, &c. Sunt plerique bonæ vitæ, faciunt miracula, habent concursum populij. &c. & quomodo nunc dicuntur non habere spiritum sanctum? Respondeo, sunt aliqua dona & opera, quæ spiritus sanctus solùm mouet in malis, id est, incredulis, hæreticis, Turcis, &c. Et sic verum à quocunq; dicitur, inquit Augustinus, à spiritus sancto est. Sic Balaam Num. 24. prophetat, & futura prædicat de Christo, id est, orietur stella ex Iacob, &c. & Caiaphas Ioan. 11. quòd Iesus moriturus esset pro gente. Sic Apostolus 1. Cor. 12. inquit esse diuersa dona spiritus. Illi datur per spiritum sermo sapientiæ, alij scientia, alij donum fidei, alij gratia sanitarum, alij operatio miraculorum, alij genera linguarum, alij interpretatio sermonum, &cæt. Hæc singula diuidit spiritus, prout vult, tam in bonis quàm in malis.

Secundò, inquit Apostolus 1. Corinth. 12. Demonstro autem vobis adhuc excellentiorem virtutem & donum, id est, sine quo cætera nihil profunt ad salutem æternam consequendam, & illa est charitas, sine qua nemo saluus fiet, 1. Ioann. 3. Qui non diliget

manet

manet in morte, id est, nondum est renatus, etiam si habeat omnia alia dona: sine charitate & vnitate nemo habet spiritum sanctum, 1. Ioann. 4. Deus charitas est, & qui in charitate manet, Deus in illo est & manet, & nulli inhabitat, licet ad alia dona moueat. sine charitate nulla dona spiritus sancti, nulla opera bona profunt, 1. Cor. 13. Si linguis loquar hominum & angelorum, &c. si habuero omnem prophetiam, si omnem fidem, vt montes transferam, si omnem facultatem in eleemosyna &c. nihil prodest ad consequendam salutem. Charitas igitur forma & virtus est virtutum. Ex illo concluditur quod licet plerique heretici dulciter predicant, sunt docti, &c. non tamen habentes charitatem, id est vnitatem catholicam, nihil prodest illis, neque auditoribus ad salutem.

Tertio, inquires: Cur Deus tunc malis dat huiusmodi dona spiritus? Respondeo, Charitas datur propter personae salutem principaliter, at gratis dantur, principaliter propter bonum Ecclesiae, & non illius, cui dantur. Sic Mat. 7. quidam dicebant, aut dicturi sunt in nouissimo die: Domine, nonne in nomine tuo prophetauimus, miracula fecimus, & daemonia eiecimus? & tunc confitebor illis, quia non noui vos quia ibi defuit vnitas & charitas. Ideo discedite a me operarij iniquitatis. Igitur sine charitate nihil prodest. Prae omnibus igitur querenda est charitas, & ne sint schismata in nobis, 1. Corinth. 1. alioqui parum profunt dona, &c.

Quarto, dices: Cur Deus tunc huiusmodi donis spiritus in hereticis permittit seduci pios? & cur tantum fauorem erga illos a populo permittit? Respondeo, Deus nos admonuit de futuris hereticis & falsis prophetis, Mat. 24. Surgent multi, id est, multae sectae cauet, & audite vniuersalem Ecclesiam catholicam, Mat. 18. Nolite omni spiritui credere, 1. Ioann. 4. Sed

quoniam Christi admonitionem contempnimus, & Ecclesiam catholicam nolumus agnoscere, ideo permittit Deus operationem erroris in eos, qui non credunt veritati, 1. Thessal. 2, Sic Adam contigit in Paradiso, dum noluit obedire verbis Dei, Genes. 2. audit verba serpentis, Genes. 3. Deus quoniam bonus, ideo omnibus creaturis dat dona sua: videat quisque quomodo utitur, &c. aliqui in profectum, aliqui in damnationem.

*QVOD TRIA SUNT QVI-
bus Ecclesia catholica se metur
contra schismaticos.*

TITVLVS CCVIII



PRIMò, tria sunt, quibus præualuit ab initio Ecclesia catholica contra schismaticos, Primò, catholicus scripturæ intellectus: Secundò, traditionum generalium Ecclesiæ obseruantia: Tertio, legitima successio scilicet ministrorum Ecclesiæ vt Papæ, Episcoporum, Sacerdotum & reliquorum vocatorum & consecratorum &c. legitima ordinatio. Primò laborât in hoc omnes schismatici, quòd apud vulgus faciunt fucum in scriptura & verbo Dei: non enim apud ipsos agitur tantùm de scriptura, sed quantum possint suū dogma per scripturâ stabilire, quòd hæc eorum errores probet sicut patet de operibus & fide, Roma 3. Arbitramur hominē iustificari fide &c. Hanc autem sequelam non docet Paulus, quòd sola fides saluet, immò apertè reclamat: Fide statimur legem, attramen magnum sibi fucum faciunt scilicet cū tali scriptura. Sic Matth. 26. Hoc est corpus meum, id est, significat, vel signum est corporis mei. Sic Marci ultimo Qui crediderit, &c. Sic illi contendūt, quòd sola diuinitas Christi iustificet, & nō humani-
tas